



Eqqakkat plastikkiusut atoqqinneqarsinnaanngornissaannik, sanaartornikkullu atorneqarsinnaanngortinnissaannik periarfissat suunersut pillugu Naalackersuisut UKA2022-mut agguaassassamik nassuiaasioqqullugit Inatsisartut aalajangiiffigisassaattut siunnersuut. Nassuiaammi pisortat namminersortullu suleqatigiissutigisinnaasaat, aningaasartuutaasinnaasut, inatsisitigut suut allannguutaasariaqarnersut, allatigullu tapeeriaatsikkut periarfissiisinnaanissaq minguinnersumut ikaarsaariarnissamullu iliuusissat qulaajarneqassapput, kiisalu immikkoortiterinermut atortorissaarutit allallu sanaartugassaasariaqarnersut ilanngunneqassapput. (Inatsisartuni ilaasortaq Aqqalu C. Jerimiassen, Atassut).

Siullermeernera

Inatsisartuni Ilaasortap Aqqalu C. Jerimiassenip, Atassut, saqqummiussaa pillugu Naleqqamiit qujavugut.

Aqqalu C. Jerimiassenip, Atassut oqariartuutai plastikki pillugu siunnersuummini saqqummiussai tunngaviatigut isumaqatigaagut.

Naalackersuisut akissuteqaataani ersarippoq ilaatigut Iliuusissatut pilersaarut “Pinngortitami plastikkit annikinnerusut” tamanut ammasumik saqqummiunneqaqqammersoq, Inatsisartunilu ilaasortanut agguaanneqarluni. Naalackersuisuttaaq oqariartuutigaat pilersarut pineqartoq agguaaneqarnera soorunami naammangitsoq. Akissuteqaammittaaq erserpoq plastikkinut tunngatillugu sanaartornermi atorneqarsinnaaneranut aporfiusinnaasut assigiinningsut.

Pingaarteqarpoq tamatta plastikkimik atuunitsinni aamma immitsinnut qiviartuarnissarput. Siunnersuuteqartup sanaartornermut tunngatillugu atuisinnaanermut tunngasut eqqartugai isumaqatigaagut soorunami Naalackersuisut akissuteqaataanni ajornartorsiutaasinnaasut eqqartorneqartut plastikkimik atulluarnernissaq suliniutiginiarneqarnerani anguniarneqartariaqarpoq pingaaruteqartoq.



Naleraq

UKA 2021/80
Mette A-Hammeken, Naleraq

Pinngortitamut plastikkinik eqqaanngilluinnarnissarput anguniartariaqakkat ilagivaattaaq, tamatta tamanna suleqataaffigisariaqarparput.

Taamatut naatsumik oqaaseqarluta ataatsimiititaliamut susasaqartumut pineqartoq ingerlateqqipparput.